

- Informacija za medije – za objavu

08.07.2016.

Sparkasse Bank aktivna u pružanju usluge faktoringa Faktoring kao model finansiranja za podršku operativnosti preduzeća



Sarajevo, 07.07.2016./Sparkasse Bank je u 2016. godini zabilježila značajno interesovanje preduzeća za uslugu faktoringa.

Faktoring je specifičan vid kratkoročnog finansiranja gdje faktor, u ovom slučaju banka, otkupljuje potraživanja preduzeća prema njegovim kupcima prije njihovog dospijeca, isplaćuje novac prodavcu odmah, a potom se naplaćuje od kupca.

Nedim Alihodžić, izvršni direktor

Sparkasse Bank: „Faktoring je model finansiranja koji na bh.tržištu nudi tek nekolicina banaka, tako da još uvijek nije zaživio u značajnijoj mjeri. Sparkasse Bank se bitno aktivirala na plasmanu ovog proizvoda u 2016. godini, jer smatra da je ovo odličan način da podrži preduzeća u održavanju i povećanju nivoa likvidnosti i kratkoročnih obrtnih sredstava, što ih čini operativnijim u poslovanju i konkurentnijim na tržištu. Osnovna prednost ovog proizvoda, i ono što ga razlikuje od klasičnog kreditiranja, je činjenica da se otkup potraživanja od strane banke ne temelji samo na analizi kreditne sposobnosti prodavca potraživanja, nego i finansijskoj slici njegovog dužnika ili kupca od kojeg se banka kasnije naplaćuje te sveukupnoj saradnji između prodavca i kupca. Shodno tome, preduzeće koje ustupa banci potraživanje se faktički naplaćuje odnosno dolazi do izvora sredstava odmah ili prije njihovog dospijeca, a ta se sredstva ne smatraju kreditom i ne umanjuju njegovu kreditnu sposobnost i mogućnost korištenja kreditnih limita u bankama. U svakom slučaju, prepoznamo ozbiljan potencijal za ovaj vid finansiranja na tržištu, kao i mogućnost da još bolje pratimo operativne tokove i potrebe poslovanja naših klijenata“.

Osim navedenog, ovaj vid finansiranja preduzećima donosi uštedu vremena i novca, jer de facto banka preuzima administrativno praćenje i naplatu njihovih potraživanja, što doprinosi njihovoj rentabilnosti, ali i platnoj disciplini kupaca.

Cijena faktoringa se sastoji od naknade i kamate, koje variraju u odnosu na iznos ustupljenog potraživanja, pri čemu se **Sparkasse Bank odlučila odreći naplate administrativne naknade svim korisnicima faktoringa tokom 2016. godine.**

Elmira Lalić, Voditelj odjela za marketing i komunikacije

Sparkasse Bank dd, 71000 Sarajevo, Zmaja od Bosne 7;

Tel.: +387 (0)33 280 395; Fax: +387 (0)33 280 395, Mob.: **+387 (0)61 477 866;**

Email: elmira.lalic@sparkasse.ba